


Young Boudism



Y. Boudism
1893

ԿԱՂ ԹՈՎԺԱՍ

Կ Ա Մ

« ԳԻՏՆԱԼԸ ՍԻՐԵԼ Է ԵՒ ՍԻՐԵԼՆ՝ ԸՆԵԼ »

մعارف عمومیہ نظارت جلیلہ سنک ۱۴ صفر ۱۳۱۱ و ۱۴
اگستوس ۳۰۹ تاریخی و ۳۶۳ نومرولو رخصتنامہ سیلہ
نشر اولمشدر

مصارفی آمریقان مسیونر شرکتی طرفندن تسوید اولندرق
طبع اولمشدر

ԿՈՍՏԱՆԴՆՈՒՊՈԼԻՍ
Ի ՏՊԱՐԱՆԻ Ա. Յ. ՊՕՅԱՃԵԱՆ

1893

891.99

4-17

621-42

2679

391.99

5-17

ԿԱՂ ԹՈՎԱՄԱՍ

Կ Ա Մ

« ԳԻՏՆԱԼԸ ՍԻՐԵԼ Է ԵՒ ՍԻՐԵԼՆ՝ ԸՆԵԼ »

Հետագայ պարզ պատմութիւնը կը ցուցնէ թէ ամենէն ձախորդ պարագայք, մինչեւ իսկ երբ միացեալ են սաստիկ տառապանաց հետ, պէտք չէ որ արգելեն զմեզ Գրիստոսի նուիրելէ մեր կեանքը բոլոր սրտով:

Լոնտոն քաղաքին արեւելեան մասին ամենէն ողորմելի տանց միոյն ձեղնայարկի մթին եւ տխուր մէկ խուցին մէջ կաղ տղայ մը կար պառկած: Երկու տարիէ հետէ հոն կը գտնուէր զրեթէ անպաշտպան եւ անձանօթ վիճակի մէջ: Երբ չատ փոքր էր, մեռած էին իւր ծնողքը, թողլով զնա ծերունի ազգականուհւոյ մը զթոյն:

Ի ծնէ Կաղ ըլլալով զրեթէ միշտ կը տառապէր. բայց, ցորչափ ժամանակ իւր կարողութիւնը կը ներէր, փայտի նեցուկներու օժանդակութեամբ հոս եւ հոն կ'եր-



2627

39



Թար եւ փոքրիկ ծառայութիւններ կ'ընէր քանի մը դահեկան շահելու համար : Սակայն իւր ծնողաց մահէն ետքը տղան անկողին ինկած էր, եւ աղգականութիւն, զոր «Կրանի» կը կոչէր, մեծ անզգամութեամբ պառկեցուցած էր զնա իւր տան ամենէն վերի սենեակը, որմէ այլ եւս զուրս չէլաւ :

Մայրը կարգալ եւ գրել սորվեցուցած էր անոր, բայց երբեք Յիսուսի եւ անոր սիրոյն վրայ խօսած չէր, վասն զի ինքն ալ տեղեակ չէր ճշմարտութեան : Երբեմն սակայն զիշեր ժամանակ, երբ կը ձիւնէր եւ սաստիկ պաղ հով կը փչէր, Թովմաս, տաքուկ ջերմոցին քով տաքնալու նպատակաւ միայն, կ'երթար Առաքելական Սրահ կոչուած մօտակայ տուն մը, որ բարեւէր անձանց ձեռամբ կառուցուած էր եւ կը ծառայէր իբրեւ ապաստանարան, ընթերցարան, զբօսարան եւ լսարան աղքատ թաղեցւոց : Յուրտէն կարկամեալ, եւ մարմնով խոնջեալ, մեծ ուշադրութիւն չէր կրցած տալ այն խօսքերուն զորս կը լսէր այդպիսի գիշերներ : Սակայն, ստիպուելով իւր խցիկին մէջ առանձին մնալ շատ օրեր, սկսաւ տակաւ առ տակաւ յիշել իւր լսածները եւ աւելի ընդարձակ

ծանօթութեան փափաքիլ Աստուծոյ բաներուն նկատմամբ եւ, եթէ հնար է, ստանալ Աստուածաշունչ մը : Գիտէր թէ հոն խօսողք Աստուածաշունչէն ստացած էին իրենց գիտութիւնը : Ուստի օր մը այս խնդրոյն վրայ Կրանիի հետ խօսեցաւ քաջասրտութեամբ, եւ միակ քաջալերութիւնը զոր ընդունեցաւ էր հեգնական ծիծաղ մը : «Աստուածաշունչի հետ գործ չունէր կ'ինը :» «Թովմասի պէս տղայ մը ի՞նչ պիտի ընէ Աստուածաշունչը,» խորհեցաւ նա : Գործն այսպէս թողուեցաւ ժամանակ մը, բայց տղուն այն փափաքը չանցաւ :

Օր մը, մեծ աղմուկ հանելով, սահող լիններէն վեր եկաւ բարձրախօսն Յակոբոս, որ կաղ Թովմասի միակ բարեկամն էր աշխարհի վրայ : «Թովմաս,» զոչեց, «նոր մատուկ մը առի, վաղը պիտի երթամ, երթամ : Եկայ քեզի մնաս բարով ըսել :» Բոլորովին յուզման մէջ էր . նրստաւ Թովմասի անկողնոյն վրայ, եւ երեսներուն քրախքը սրբելով ըսաւ, «Պատուական ընծայ մը ունիմ քեզի համար,» եւ գրպանէն հանեց թխագոյն թղթի բծաւոր կտորի մը մէջ փաթթուած բան մը : Թովմաս իւր արմուկներուն կոթնելով վեր

վերցուց ինքզինքը անկողնոյն մէջ, առանց
երբեք ուրախանալու այն լուրին համար
զոր լսեց: «Փայլուն, նոր շիրին (վեց դահ.)
մը քեզի, Թովմաս: Պիտի չվատնես մին-
չեւ որ շատ, շատ սաստիկ պէտք ունե-
նաս:» «Ոհ, որչափ բարի ես, Յակոբոս,
բայց ես հիմա մեծ պէտք մը ունիմ:»
«Իրա՛ւ, ի՞նչ է:» «Աստուածաշունչ մը
կ'ուզեմ:» «Աստուածաշունչ, ես բնաւ
չեմ ուզեր: Ո՞վ երբեք լսած է թէ տղայ
մը Աստուածաշունչի համար վատնած է
այսչափ դրամ, զոր հաւաքելու համար
ամիսներով աշխատեր եմ ես չարաչար:»
«Մի բարկանար, սիրելիս,» ըսաւ կաղ
Թովմաս. «ահա դուն պիտի մեկնիս առ-
կէ, եւ ես սովորականէն աւելի առանձին
պիտի մնամ հոս, եւ, ո՛հ, որչափ կը փա-
փաքիմ Աստուածաշունչի մը: Խնդրեմ,
գնա, առ, Յակոբ — հիմա — ճիշդ այս ե-
րեկոյիս, մինչդեռ խանութը գոցուած չէ:
Կրանի երբեք պիտի չառնէ. եթէ անոր
յանձնեմ դրամը, ըմպելիքի պիտի գործա-
ծէ:» «Ի՞նչ պիտի ընես Աստուածաշունչը,
եղբայր: Միայն ուսումնականները կը
հասկնան այն գիրքը,» ըսաւ Յակոբոս
գրեթէ բարկանալով: «Թերեւս. բայց,

Յակոբոս, սաստիկ է փափաքս. կ'ուզեմ
գիտնալ թէ ճշմարիտ է ինչ որ Յիսուս
կոչուած անձին նկատմամբ կը լսէինք այն
Առաքելական Սրահին մէջ, ուր դուն եւ
եւս սովորութիւն ունէինք երթալ երբեմն:
Թող այս ըլլայ քու ընծադ բաժանմանդ
առթիւ. շատ երջանիկ պիտի ընես զիս:»
«Շատ աղէկ, եղբայր, կ'երթամ. բայց
եւս չեմ գիտեր Աստուածաշունչ գնել:»
«Մեր փողոցին անկիւնի գրատան մէջ
կայ. գինը մէկ շիլին է. ես պատուհանին
մէջ նշանակուած տեսած եմ, երբ քովէն
կ'անցնէի ժամանակ մը: Շուտ շարժէ,
Յակոբոս. խանութը կը գոցուի:»

Յակոբոս հաւանեցաւ մեծ գովաձա-
կութեամբ, եւ սանդուխէն իջաւ ոչ իւր
սովորական արագաշարժութեամբ: Սա-
կայն իւր տիրութեան յաղթեց մինչեւ որ
վերադարձաւ գեղեցիկ Աստուածաշունչով:
«Գրածախն ըսաւ թէ չէի կրնար տալ քեզի
աւելի աղէկ բարեկամ մը, Թովմաս, եւ
թէ շիլինը չէր կրնար աւելի աղէկ բանի
տրուիլ: Կ'ըսէ թէ այս կրնայ հազար ոսկ-
ւոյ արժէք ունենալ քեզի: Վերջապէս կ'ե-
րեւի թէ այս կը պարունակէ բաւական
բան զոր պարտինք գիտնալ:»

Թովմասի ուրախութիւնը եւ երախտագիտութիւնը սահման չունէր : « Գիտեմ ես , Յակոբոս . գիտեմ ես , » ըսաւ իւր կուրծքին վրայ սեղմելով Սուրբ Գիրքը : « Երջանիկ եմ հիմա . ոհ , ի՜նչ բարութիւն ըրիր դուն այս չիլինը աւելցունելով : »

Երկու տղայք այլ եւս չտեսան զիրար . բայց եթէ պարկեշտ տղան զիտնար լոկ թէ այն Սուրբ Գիրքն ի՜նչ պատուական գանձ եղաւ իւր կաղ բարեկամին , լիովին պիտի վարձատրուէր զոհողութեանն համար որով իննայեց այն չիլինը : Ամիս մը ետքը իւր Աստուածաշունչին պարունակութեան աւելի տեղեակ եղած էր Թովմաս քան շատեր որ կ'ըսեն թէ քսան տարի կարգացած են զայն : Սորված էր փրկութեան ճանապարհը . իւր միակ առաջնորդն եղած էր Հոգին Սուրբ : Սորված էր նաեւ թէ Աստուծոյ կամաց հնազանդիլը կը նշանակէր այլոց փրկութեան օգնել :

« Այս օրհնեալ լուրն այսպէս իմ քովս պահել չըլլար , » ըսաւ նա եւ սկսաւ խորհիլ մինչեւ որ վերջապէս որոշեց պարզ բայց գեղեցիկ գործ մը կատարել Վարդապետին համար : Իւր անկողինը շատ մօտ էր պատուհանին սեմին որ ցած էր : Մա-

տիտ մը եւ թուղթ գտաւ եւ Սուրբ Գրոց այլ եւ այլ համարներ ընդօրինակեց : Կը ծալէր զանոնք , կ'աղօթէր անոնց վրայ , եւ յետոյ կը թափէր վար , աղմկալից փողոցը , սա հասցէով .

« Աստուծոյ — հաճեցէ՛ կարգաւ : »

Կըյուսար թէ այս միջոցաւ մէկը կարող կ'ըլլայ լսել Յիսուսի եւ անոր փրկութեան վրայ : Սիրոյ այս ծառայութիւնը , որ հաւատարմութեամբ կը մատուցուէր , շարունակեց քանի մը շաբաթ . եւ ահա երեկոյ մը նա լսեց ոտնաձայն մը եւ անմիջապէս յետոյ բարձրահասակ եւ վայելչազգեստ մարդ մը մտաւ սենեակը եւ նըստաւ պատանուոյն անկողնոյն քով : « Դուք էք պատանին որ Սուրբ Գրոց համարներ կը թափէ պատուհանէ մը . այնպէ՛ս է , » հարցուց քաղցրութեամբ : « Այո , » ըսաւ Թովմաս զուարթութեամբ : « Լսեցի՞ք երբեք թէ մարդու ձեռք կ'անցնին անոնք : » « Շատերու , շատերու ձեռք : Կը հաւատա՞ք ինձ , եթէ ըսեմ թէ անցեալ երեկոյ ես ալ գտայ այդ համարներէն մին եւ Աստուծով օրհնութիւն եղաւ հոգւոյս : » « Կրնամ հաւատալ թէ Աստուծոյ խօսքն ամէն բան կ'ընէ , » ըսաւ պատանին խո-

նարհուլթեամբ : « Եւ ես ահա եկայ , » ըսաւ օտարականը , « անձամբ շնորհակալութիւն յայտնել քեզ : » « Ոչ ինձ , տէր . ես գրողն եմ միայն , Աստուած է օրհնողը : » « Եւ դուք երջանիկ էք այս գործը կատարելով Քրիստոսի համար , » ըսաւ այցելուն : « Ձէի կրնար աւելի երջանիկ ըլլալ , տէր : Բնաւ չեմ խորհիր կոնակիս ցաւին վրայ , վասն զի , երբ տեսնեմ զնա , պիտի չուրախանամ ես ըսելով թէ այն օրէն երբ տեղեկութիւն ստացայ Իւր վրայ՝ սկսայ ես բոլոր կարողութեամբս ծառայել Իրեն : Կարծեմ թէ շատ պատեհութիւններ ունիք դուք , այնպէս չէ : » « Ո՛հ , այո , տղաս , բայց զանց ըրած եմ զանոնք . սակայն Աստուծոյ օգնութեամբ կ'որոշեմ այսուհետեւ նոր կեանք մը վարել : Գիւղը , տանս մէջ ունիմ մահամերձ պատանեակ մը : Ստիպուեցայ քաղաքս դալ կարեւոր գործի մը համար : Երբ զնա համբուրեցի , մնաս բարեաւ ըսելով , ' Հայր , ' ըսաւ , ' երանի թէ գործ մը կատարած ըլլայի Յիսուսի համար : Չեմ համարձակիր դատարկաձեռն երեւիլ անոր առջեւ : ' Այս խօսքերն ազդեցին ինձ օրն ի բուն , եւ միւս օրն ալ մինչեւ իրիկուն , երբ փոքրիկ

թուղթդ գլխարկիս վրայ ինկաւ մինչ կ'անցնէի այս փողոցէն : Բացի զայն եւ կարգացի սա համարը . Բանի որ ցորել է , պէտք է որ ղեւ իրիւղին քործեւրը քործեմ . Բէշերը կը գայ որ անաբէշ մէկը չկրնար քործել (Յովհ. Թ. 4) : Այս թուեցաւ ինձ երկնային հրաման : Սթափեցուց զիս եւ ծնգաց վրայ բերաւ զիս գիշերը , եւ չկրցայ քնանալ մինչեւ որ կարող եղայ երգել ,

Որչափ քաղցր է այն ժամը ,

Որ խաչին առջեւ կենամ .

Կատարեալ խաղաղութիւն մը

Քրիստոսի մահէն կ'առնեմ :

Ես քսան երկու տարիէ հետէ Քրիստոսնէութիւն կը դաւանիմ , տղաս , եւ երբ հարցուցի եւ հասկցայ թէ ո՛վ փողոց կը թափէր այս համարները եւ ինչո՞ւ կը թափէր , այնպէս ամչցայ որ որոշեցի տուն երթալ եւ գործել նոյն Վարդապետին համար որուն դուն կը ծառայես այսքան հաւատարմութեամբ : »

Ուրախութեան արտասուքներ թափեցան պատանւոյն աչքերէն : « Ո՛հ , բաւական է , տէր , բաւական է : » « Ըսէ ինձ ,

տղաս, ինչպէս կրցար գտնել այդ գործին համար հարկ եղած թուղթը : » « Դժուար չէր այդ : Խօսեցայ Կրանիի հետ եւ խօսք տուի հրաժարիլ կաթէն զոր շատ անգամ կու տար ինձ, եթէ հաճէր ի փոխարէն թուղթ գնել ինձ համար : Գիտես, տէր, թէ շատ պիտի չապրիմ ես : Բժիշկը կ'ըսէ թէ ցուրտ ձմրան քանի մը ամիսներ կրնան վերջ տալ իմ կեանքիս, եւ կաթիլ մը կաթը օրհնեալ Փրկչիս համար զոհել մեծ բան չէ : Երջանիկ են այն մարդիկ որ շատ բան կրնան տալ անոր : » Այցելուն արձակեց խոր հառաչ մը : « Տղաս, դուն այս ողորմելի սենեակիդ մէջ, զոհողութիւններ ընելով Յիսուսի համար, շատ աւելի երջանիկ ես քան հազարաւոր անձինք որք կ'ըսեն թէ անոր կը վերաբերին, եւ ունին ժամանակ, տաղանդ եւ դրամ, բայց քիչ բան կամ ոչինչ կ'ընեն Անոր համար : » « Ձեռն դիտե՛ր զնա, տէր : Գիտնալը սիրել է եւ սիրելն ընել : Առանց գործի՝ սէր չըլլար : » « Իրաւունք ունիս, Թովմաս : Բայց հիմա քեզի դառնանք : Ես Յիսուսի համար գործել պիտի սկսիմ նախ զքեզ երջանկացունելով : Կ'ուզե՞ս վերջին օրերդ անցունել կաղ եւ անդա-

մալոյժ պատանիներու յատկացեալ տան մը մէջ, ուր պիտի խնամուիս ըստ ամենայնի եւ ուր պիտի տեսնես ծառերը եւ ծաղիկները եւ պիտի լսես թռչնոց երգը : Եթէ ուզես, Թովմաս, կրնամ ես տանիլ զքեզ այդպիսի տեղ մը որ հեռի չէ մեր տունէն : »

Յոգնած պատանին եռանդեամբ նախեցաւ մարդուն սիրալիր երեսաց եւ քանի մը վայրկեան լուռ մնալէ ետքը պատասխանեց . « Շնորհակալ եմ, տէր : Ես լսած եմ այդպիսի տուներու վրայ, բայց փափաք չունիմ հեշտ մահուան քանի որ Նա մեռաւ զժնդակ մահուամբ : Կրնայ ըլլալ որ սիրտս չափէն աւելի տամ հանգստութեան եւ զուարճութեան : Կ'ուզեմ ես նայիլ մանաւանդ Անոր եւ այս գործը կատարել մինչեւ որ գայ զիս տանիլ : Ինձ նման տղու մը համար լիուրի ուրախութիւն է Անոր հետ բնակիլ վերն յաւիտեանս յաւիտենից : » Այցելուն աւելի զգածուեցաւ եւ աւելի ամչցաւ . « Շատ աղէկ, տղաս . ուրեմն պիտի աշխատիմ որ դուն, որչափ ապրիս, ունենաս յարմար կերակուր, նաեւ բոլոր թուղթը որ պէտք կ'ըլլայ քեզ : Ամէն բան պիտի կար-

գաղըեմ չըջիկ քարոզչուհւոյ մը ձեռամբ : Արդ, սիրելի տղաս, կ'ուզեմ որ մեկնելէս առաջ բարձրաձայն աղօթես ինձ համար : » Յետոյ զօրաւոր այցելուն ծնգաց վրայ եկաւ մահամերձ տղուն անկողնին քով, հաղիւ կարենալով զսպել իւր լացը, երբ ձեռքերով ծածկեց իւր դէմքը : Տղան վառանցեալ երբ լսեց այս առաջարկութիւնը, բայց երբ տեսաւ մարդը խոնարհեալ եւ լսեց անոր լացը, հասկցաւ թէ պարտաւոր էր ընդունիլ անոր խնդիրքը : Երկնային լոյս մը ծագեցաւ իւր ողորմելի եւ տփզոյն դէմքին վրայ, երբ խորին պատկառանք ըսաւ, « Տէր Յիսուս, գիտեմ թէ կը լսես, եւ շատ չնորհակալ եմ որ այս բարեկամը զրկեցիր հոս քաջաշերելու զիս իմ գործիս մէջ : Հիմա, Տէր Յիսուս, նա քիչ մը խռոված է որ անցելոյն մէջ ըստ բաւականին գործած չէ քեզ համար : Կը հաճի՞ս օգնել անոր որ այսուհետեւ ջանայ բան մը զանց չընել . եւ, Տէր, եթէ քու կամքդ է, հիմա զրկէ զնա եւ պատմել տուր միւս հարուստներուն թէ չեն գիտեր զՔեզ, եթէ չեն գործեր Քեզ համար : Շնորհակալ եմ քեզմէ, ով Յիսուս, բոլոր թուղթին եւ կերակրոյն

համար որ ինձ պիտի գայ ցորչաւի ապրիմ ես : Թերեւս քիչ մը ժամանակ պիտի ապրիմ ես եւ յառաջ տանիմ այս գործը Քեզ համար : Հիմա, Տէր Յիսուս, եթէ կը հաճիս, օրհնէ այս բարի բարեկամը իւր ուղեւորութեան ժամանակ եւ միշտ . կը խնդրեմ Քու անուանդ համար : » « Ամէն, » ըսաւ այցելուն ամենայն եռանդեամբ :

Յայնժամ այցելուն ոտք ելաւ եւ մեկնեցաւ : Լոնտոնէ ելլելէ առաջ ամէն կարգադրութիւն ըրաւ խնամելի տղուն համար եւ ապա զուարթագոյն սրտով վերադարձաւ իւր գեղեցիկ ամառանոցը եւ ապրեցաւ Քրիստոսի համար : Ըստ կարի շուտով չինեց առաքելական սրահ մը իւր տան մօտ եւ սկսաւ հոն զիւղացւոց քարոզել զՅիսուս : Երբ խոստովանեցաւ թէ զիւղացւոց նկատմամբ իւր անհոգութեամբ մեղանշած էր մինչեւ այն ժամանակ, եւ պատմեց թէ ինքն երկրորդ անգամ դարձի եկաւ սոյն կաղ թովմասի ձեռամբ եւ կարգաց Սուրբ Գրոց այն համարը որ ինկած էր իւր զլխարկին վրայ, զիւղացիներէն շատեր առաջնորդուեցան փնտռել զՅիսուս :

Շըջիկ քարոզչուհւոյն ձեռամբ երբեմն

լուր կու գար այն մահամերձ տղուն վրայ, բայց ձմեռն սկսած էր եւ ձիւնը իւր բիւրեղանման սպիտակութեամբ ծածկած էր գետինը, երբ լսեցին թէ սիրելին թովմաս գնաց իւր Փրկչին քով: Նոյն թղթատարով հասաւ ծրար մը որ կը պարունակէր թովմասի այնքան մեծարուած եւ այնքան գործածուած Աստուածաշունչը: Այն գեղեցիկ տան մէջ ո՛րչափ պատուական նշխար եղաւ նշաններով լի այդ Աստուածաշունչը. վասն զի երբ կաղին բարեկամը փոխ տուաւ զայն իւր փոքրագոյն որդւոյն, այն խնամեալ դիտողութիւնք եւ պարզ եւ կարճ աղօթքները, զորս կաղ պատանին գրած էր անոր լուսանցքին մէջ, նաեւ սա վերջին իղձը — « Իցիւ թէ այս Սուրբ Գիրքն ըլլայ ուրիշի մը այնպէս մեծ բարեկամ որպէս եղաւ ինձ » — զոր նա իւր մահուանէն իբր շարաթ մը յառաջ գրած էր գիրքին ճակատը, խորին տպաւորութիւն գործեցին պատանւոյն վրայ. եւ նա նուրեց զինքն Աստուծոյ եւ յետոյ միսիոնարական պաշտօնով գնաց օտար երկիր, եւ կաղ թովմասի եւ անոր Քրիստոնէական գործին վրայ պատմելու առթիւ ցուցուց այդ մաշած Աստուածաշունչը կեդրոնական

Սփրիկէի շատ բնիկներու որ Քրիստոնէութիւն ընդունած էին:

Ընթերցողը չճտեմներ թէ ի՞նչ կրնայ ընել խոնարհ եւ անձնուրաց անձ մը որ բոլոր սրտով Աստուծոյ նուիրուած է: Չէնք համոզուիր թէ յոյժ ցաւալի է որ շատ չեն այսպիսիք: Հազարաւոր տխուր, յոգնած սիրտեր կարօտ են սիրոյ այն փոքրիկ ծառայութեան զոր կրնայինք մատուցանել: Պէ՛տք է ուրեմն որ մեր հանգիստը փնտռենք, մեր հաճոյքը վայելենք, կամ մեր հեշտութեանց հետամուտ ըլլանք: Միլիոնաւոր խաւարեալ հոգիներ լոյս կ'ազդակեն եւ պիտի շարունակեն խաւարի մէջ խարխափիլ, եթէ մենէ չատեր, որ կը դաւանին թէ կը սիրեն գրիստոս, ապրին իրենց շահը եւ հանգիստը փնտռելով: Այսօր, առանց աշխարհի օգնութեան, Քրիստոնէական Եկեղեցին կրնայ դիւրաւ զըրկել այնչափ միսիոնար որ բովանդակ աշխարհ աւետարանուի. սակայն իւր անյօժարութիւնն է սեւ կէտ մը եւ կ'արատաւորէ իւր գեղեցիկ անունը անջինջ բծով մը, զոր բաց ի Յիսուսի արիւնէն՝ ոչ ինչ կարող է մաքրել: Երանի թէ Աստուծոյ Հոգին իւր մեծ զօրութեամբ վերցունէր մեր

մէջէն ամէն ծուլութիւն, անհարադատութիւն եւ անձնասիրութիւն, վասն զի Բրիտտոսի հետեւիլը կը նշանակէ զոհողութիւն, անձնուրացութիւն, եւ չկայ սրբութիւն առանց անձնուրացութեան: Եթէ մահամերձ պատանի մը իւր ցաւոց եւ չքաւորութեան մէջ կրնար ուրախութեամբ զոհել ուսմպ մը կաթը, որով կը զովանար իւր պապական ընտանը եւ մասամբ կը սնանէր իւր յոգնած մարմինը, անշուշտ հնարաւոր է մեղ ընել աւելի բաներ:



0015545

7013

181

200

«Ազգային գրադարան»



NL0015545

